

吾人學爲文章諸凡看書讀書之方法及文章之體例源流爲文時遣詞命意布置研鍊諸端非經名家指點未易得其秘蘊是編乃本會函授部國文科講義之一所選均古今名家談論文章之精萃古文駢文無不搜羅略備計分四集初集刻已重印出版其內容略如命意佈置運筆運氣體裁家數法古宗派及場中制勝方法窠臼題枯窘題寬大題之作法流俗爲文之弊病均無不透切發揮詳晰指導實爲學者自修國文教員授課時參考之無上善本或用作高小以上學校國文科補助課本亦極適合全冊定價二角

無師
自通 代數學

洋裝一冊定價五角

此書爲近日最新編著解釋備極明晰習題既多題解詳明各題并均附有答案以備檢對循序而進由淺至深絕無不入之苦凡經習過比例開方者手此一編則無師可以自通誠代數學之善本也

◎◎中華科學研究會函授部廣招各省學員

本會通信教授各種專門學術人生必需智識自開辦以來成效甚著茲將各科內容略舉於下(一)(國文科)分甲乙二級深淺咸宜講義精良改筆子細甲級二年畢業每年十元乙級一年畢業全年學費八元(數學科)分爲二級甲級一年半畢業共學費十二元乙級一年畢業學費六元(農業科)教授畜牧森林培植果樹蔬菜耕種禾麥養蜂養蠶捕魚養魚等實驗妙訣及肥料學土壤學等農業必要學術一年畢業學

費八元(工業科)如製造香水肥皂顏料染料人造寶石人造黃金人造麝香人造牛乳香粉雪花等一切日用必需品計一百餘種所需資本甚少獲利甚厚一年畢業學費八元(商業科)廣告術銀行學簿記商品等二十餘門一年畢業學費四元(救急)如救治急症中毒外傷等確有實驗妙訣三個月畢業學費二元(成效)以上各科開辦已有多年成效優良信用昭著各科教授均係一時知名之士內而二十二省外而香港南洋各埠均有本會學員并辱蒙名公巨子商學各界名家贊美之書幾盈一尺其成績之佳可見一斑矣(利益)(一)不費本來事業而得一專門學術(二)無論男女老幼住居遠近識字多少均可學習(三)如有不明可隨時函問(四)勤勉向學成績優良者優給獎品獎章第一屆已在月刊上發表(五)試驗及格給予畢業文憑(六)學業優良品行端正者得由本會介紹職業或予聘用(繳費)(一)報名時救急科商科學費一次繳足國文科乙級農工法政科先繳四元餘分兩次繳清國文甲乙級先繳六元餘分六次繳清一次繳足者酌贈書籍物品(寄費)寄費須向該郵局及商店滙兌寄來或用民國郵票(每百分作一元)或用香港及各外埠紙幣(香港紙幣十足用其他各埠者照市伸算)或民國二四五年公債票封固在掛號信內寄來現印有求學謀生指南一冊奉贈函取即寄不取分文如欲知本會之信用成績肄業本會函授之利益及詳細辦法者索閱此書便能瞭然 地址上海北四川路白保羅

痛史紀略

五口通商記

鴉片輸入中國。始於明代。及清道光之世。流毒已遍國中。時有鴻臚卿黃滋爵。湖廣總督林公則徐。慨鴉片流毒之烈。財政之困乏。疏請嚴禁。廷議是之。遂命林公以欽差大臣赴廣東辦理此事。公到任後。以英領義律拒命。乃發兵圍其館門。勒令將全數鴉片二萬餘箱繳出。在虎門海灘高處監視銷燬。并奏請頒布「凡各國商船有夾帶鴉片者。船貨沒官。人即正法」專條。以永絕來源。義律抗議。逐之海口。并因其暗率兵船襲攻九龍。將英之貿易停止。而兵釁遂開。公籌餉練兵。不遺餘力。在香山大鵬添築礮臺。以爲左右翼。橫木排鐵練於虎門海口。招募丁壯以練水師。凡洋舶往來孔道。無不節節防堵。英將伯麥志不得。

逞。(時率戰艦三十餘艘)窺鄰省無備。乃移兵犯浙。連陷舟山羣島。定海。圍攻寧波等處。浙東震動。宣宗惑於樞臣穆彰阿(滿人)及羣僉壬之言。褫林公之職。謫戍伊犁。命琦善(滿人)代之。又命伊里布(滿人)赴浙視師。琦伊兩人到任。盡反林公所爲。裁水師。散丁壯。盡撤守備。以媚英人。并遣人攜牛酒赴英艦謝罪求和。初英人之開戰。原非得已。并囑各國之責言。亦不敢爲已甚。嗣見琦伊二人懦弱可欺。遂要求償軍費。開商埠。弛煙禁。減稅則諸款。磋商未就。英將璞鼎查以援兵數萬至。英之兵氣大振。遂廢停戰之約。再犯廣東。琦善猶日望和約之成。仍不設戰備。橫擋虎門。鎮遠威遠各礮臺。因兵僅數百。救兵不至。莫不相繼失陷。提督關天培力戰而死。廣州既陷。時有三元里(在廣州小北門外)鄉勇憤英人之見迫。突集義民十餘萬。要而擊之。殪其帥伯麥霞畢。圍義律。(爲知府余誠保護出圍)英人畏我團勇勇敢善戰。民氣難犯。撤兵而退。移

犯閩浙。廈門不守而退。浙撫裕謙擁兵自衛。不發救兵。定海鎮海寧波又相繼失陷。總兵葛雲飛王錫朋鄭國鴻同知韋逢甲死之。英人又分兵進擾江蘇。大將軍奕經不用宿遷舉人臧紆青之策。倉皇出戰。失利。棄軍而逃。英軍遂北趨吳淞。提督陳化成禦之被害。總督牛鑑逃入江寧。（因牛鑑先遁致全軍大潰）吳淞上海寶山鎮江失陷。清廷大懼。命耆英牛鑑伊里布爲議和全權大臣。與英將璞鼎查訂結左之和約。（是爲南京條約）

一 賠償所焚鴉片及兵費二千一百萬兩。

一 割香港島與英。

一 開上海寧波福州廈門廣州五口爲通商埠。

一 中英官員以同等交接。

訂此和約時爲道光二十二年七月初九日

(按)此次戰爭英人本非得已。且其國方有事於印度。亦無暇於東顧。其望和之心較我尤切。若當時當局者稍明事理。則勝利可操。卽不幸而失敗。亦不致若此其甚也。其失策有八。(一)始則操之過激。繼則縱之過寬。(鴉片貿易卽英國亦不以爲然)。(二)省自爲政。不相聯絡。致敵人得乘虛而入。(三)林公受譴自壞長城。(四)誤用琦善諸昏。(五)自高自大。不知敵情。不明外交。(六)兵卒不精。槍礮不能命中。(七)和約不加考慮。(八)不訂禁煙條約。以致流毒至今。此約訂後我國之底裏盡露。而耻辱之事遂連續而來矣。嗚呼痛哉。

北京條約

南京條約既成。英人例得於五口自由出入。惟粵人不忘前仇。不許其入城。已屢生齟齬。嗣復因奸商貪圖少納關稅。冒掛英國商旗。爲我官兵所拘。及焚燬英商洋行事。與美法二國聯盟。(法因內地找殺教士。美因兵艦爲我誤擊)攻

陷廣州省城。總督葉名琛將軍巡撫均被執。復大舉北侵。逼天津陷大沽口。清廷不得已請和。約四國退兵上海。命大學士桂良會同江督何桂清同赴上海議訂和約。

未幾以我國密遣科爾沁王僧格林沁往修築大沽礮臺爲言。戰事復起。僧王率兵禦之。大破敵軍於大沽口。殲其渠帥。英人請和不得。乃復與美法合兵。率戰艦百餘艘來侵。我軍大敗。（因僧王失計縱使登陸）宣宗奔熱河。京師失陷。圓明園被燬。恭親王奕訢無奈於禁城內與訂如左之條約。（畧舉）

- （一）賠償同盟國軍費八百萬兩。并給十萬磅於被虜者及其家屬。
- （二）以牛莊、登州、臺灣、潮州、瓊州、九江、漢口、鎮江等爲商埠。
- （三）准四國公使駐劄北京。
- （四）准基督教國教士游歷內地。

(五)貨物不納卡稅。

此約既成。俄人復以調和有功。迫我割讓黑龍江以北二千七百里之地。予之以爲酬勞。

日本攻掠臺灣記

臺灣原我之領地。以孤懸海外。未受中國文化。其東部又屬生番盤踞之地。清廷向取放任主義。惟羈縻之而已。明治十二年有日人漂至該處。爲生番殺害。日本遂乘機遣使與清廷交涉。以我不負責任。(李文忠告日使云。臺灣東部夙爲化外之民。實無力箝制云云。)遂率兵艦攻入臺灣東部。屢經我抗議。仍不允撤兵。事幾決裂。後由英國公使調停。遂訂結如左之約。(畧舉)

(一)日本於臺灣東部戰事原爲保民義舉起見。中國不得指爲不是。

(二)中國准給撫恤被害家屬銀十萬兩。并償還日本在臺灣修道路建房費。

銀四十萬兩。

喪失琉球記

自唐以迄清季。琉球世代臣事中國。三年一貢。受我冊封。奉我正朔。用我國文字。風俗制度。悉仿中國。無有貳心。臺灣條約既成。日本以代其復仇爲名。（因同治十一年琉球人有漂至臺灣被害者。）結之以恩。威以武力。勒令改用日本文字。使舍我而向日。嗣琉王被害。遂僞言球王原係日本皇族後裔。而代主其國。改爲沖繩縣。

（二）喪失越南記

越南自清康熙以來。世受冊封。守藩奉貢。及嘉慶間。因內爭求助於法。許以厚酬。及事平。負約。法大恨之。咸豐八年。遂與西班牙合兵攻越南。破順化府。西貢埠。越不能支。割地以和。（割西貢）同治六年。法又占柬埔寨。十三年。又復大舉。

侵越。迫越人締結如左之約。

(一)法國公認越南爲獨立國。

(二)河內等地爲貿易場。

(三)溯紅河而上至河內得自由航行之權利。

(四)越南既爲獨立國。不得與他國有聯屬之關係。

嗣越南有蘇軾漢之亂。因不忘我國之恩遇。遣使求救。法人責其背約。并以保護爲名。遣兵侵越。初賴劉永福之黑旗兵挫之。嗣法之援兵再至。衆寡不敵。乃遣使來告。請兵赴援。仍不能勝。時越王適逝。主少國危。不得已遂與結左之條約。

(一)以東京割讓法國。

(二)嗣後越南爲法之保護國。非法國許可不得與他國交通。

法既占領東京。駐重軍於諒山。以窺伺雲南。清廷大悟。命李鴻章向法使抗議。不承認前約。屢議不洽。復命駐法公使曾紀澤直向法政府抗議。乃磋商未就。法軍突襲我駐諒山軍。并率兵直犯福州。毀我戰艦。擾廣西邊地。陷鎮南關。清廷命馮子材。總兵王孝祺。巡撫潘鼎新。率兵拒敵。連戰連捷。法軍大潰。主將孤特傷死。法政府主戰最力之首相佛雷亦已罷職。倘是時能長驅直進。則越南之克復指顧間事耳。乃清廷昏憤。竟於是時在天津與人訂。認東京爲法屬地。認越南爲法屬地之約。越南既失。而雲南廣西亦岌岌可危矣。

天津條約

朝鮮我之屬國也。以地近日本。日人涎之久矣。同治初朝鮮國王李熙冲齡踐位。生父大院君李昰當國。屢與日本法美諸國開釁。三國遣使與我交涉。以我不負責任。乃直與朝鮮交涉。通商訂約。認朝鮮爲獨立國。及朝鮮王年長親政。

國中分祖中國祖日本兩黨。互相水火。攘權奪利。祖日黨要結日人以兵圍迫王宮。爲我駐鮮委員擊退日兵。解王宮之圍。翌年日使與朝鮮交涉。要索賠款。重訂和約。并使伊藤博文與李鴻章訂兩國對付朝鮮之約。是爲天津條約。時在光緒十一年也。其約如左。

(一)兩國駐紮朝鮮之兵。限四月各自撤回。

(二)兩國允勸朝鮮王教練兵士。自保治安。而兩國均不得派員在朝鮮教練。

(三)朝鮮若有變亂事件。兩國於派兵之時。須互相行文知照。

按此約既成。卽異日中日戰爭之導火綫。亦卽日韓合併之禍胎也。而當時廷臣目光如豆。猶以爲無足重輕。可悲也乎。

中日戰爭

天津條約既成。朝鮮之主權已與日人共之矣。光緒二十年三月。朝鮮適有東

學黨崔時亨之亂。我國因朝鮮王之請求。遣兵赴援。日本亦乘機調遣重兵。馳入朝鮮。及亂事既平。仍陸續增兵。有進無退。并提議欲與我共革朝鮮內政。爲我所拒。遂於六月二十七日宣戰。我國統率陸軍者爲葉志超、聶桂林、豐陞阿、左寶貴、衛汝貴、馬玉崑六人。各自爲戰。不相統屬。且非胆小如鼠。望風而遁。卽魯莽滅裂。輕於一擲。或且尅扣軍糧。器械不備。當日軍進窺平壤時。路險糧絕。而不知要而殲之。坐失兵機。丁汝昌統率海軍。亦以不諳戰畧。全軍覆沒。旅順威海衛遂先後失陷矣。夫以勇敢善戰。威名素著之淮軍。苦心經營之海軍。一旦盡喪於四五庸夫之手。可痛孰甚。敵兵旣深。清廷不得不從事乞和。初。大列國調和不納。繼命張蔭桓、邵友濂爲使。復遭拒却。旋命李鴻章爲全權。議和大臣。而日本之崛強猶昔。各國以其野心勃勃。羣起詰責。日本始不得已。派伊藤博文與我談判停戰條件。竟欲索我大沽、天津、山海關三要溢爲質。及議和約。

要索賠款三萬萬兩。及種種苛辱條件。令人髮指背裂。幾經磋商。仍未就緒。而停戰期已迫。日軍已蔽海而來。遂不得不忍痛屈伏矣。是爲馬關條約。茲畧舉如左。

一明認朝鮮爲獨立國。絕封貢之關係。（其後日人戰勝強俄後遂乘勢合併朝鮮）

一償日本軍費二萬萬兩。

一割遼東半島及臺灣澎湖羣島。

一開重慶沙市蘇州杭州爲商埠。

俄人迫結密約記

和議旣成。俄嫉日人之攫得絕大權利。於是糾合法德二國。假仗義之名。迫日人以遼東歸我。旣而又向我要索極大酬報。於李鴻章之奉使往賀俄皇加冕。

典禮時。迫李公秘密開議。并以喀希尼（駐我國公使）所草條約勒令畫押。一面由駐京公使威嚇清廷批准。其原文共十二款。茲畧舉其關係重要者於左。

第一款 准俄國由海參崴續造琿春至吉林之鐵路。又由俄國某城續造愛琿至齊齊哈爾之鐵路。

第三款云中國由山海關至奉天吉林之鐵路准俄國代造。

一按路權所至即國權所至也。此款既訂。則滿洲一帶已不啻俄人掌中物矣。

第七款黑龍江及吉林長白山等處所產五金之礦准俄人開採。

按礦山即一國之富源命脈。若准其開採。是無異將自己之家產任他取用。田地任他取用矣。

第九款 許俄國租借膠州灣且爲停泊軍艦處。

第十款 旅順大連灣不得讓與他國。且爲俄國停泊軍艦處。

第六款 准俄國駐紮馬步兵於鐵路側。

德國租借膠州灣記

自俄國要索報酬締結密約後。德亦躍躍欲動。援俄之例欲在我國占一良好軍港。以爲商船軍艦駐泊地。適山東鉅野縣有殺害德國教士事。借此提出交涉。一面遣軍艦先行占領膠州灣。然後與我締結如左之條約。

一德國租借膠州灣以九十九年爲期。

一准德國於山東全省敷設鐵路。

一准德國設立德華公司。

一准德國開採煤礦及其他諸礦權。

德之條約既成。而俄又以爲例。遣泊於海參崴之軍艦先將旅順大連灣占領。然後使駐京公使要求租借（以二十五年爲期）并延長東清鐵路由哈爾濱

直達旅順。

英租威海衛記

馬關條約中賠款三年付清之期既至。而國庫如洗。無款可付。欲延長二十年攤還。而日本又不許。因與英滙豐銀行商借千六百萬金磅以賠繳日本。并許以如左條件。

(一)監督中國財政。(二)自緬甸通鐵路於揚子江畔。(三)揚子江一帶不許讓與他國。(四)開大連灣爲通商口岸。(五)推廣內地商務。(六)各通商口岸皆免釐金。

此約既成。英人猶未心足。以俄德之租借旅順膠州灣。乃借世界公益爲名。援例索借北洋重鎮之威海衛。雖經李鴻章反覆抗辯。亦卒無效焉。其期亦爲二十五年。